

《續修四庫全書》編纂委員會編

續修四庫全書

上海古籍出版社

五二七・史部・傳記類

焦太史編輯國朝獻徵錄一百二十卷（卷三十七至卷五十三）〔明〕焦 竑輯……

2666/07

焦太史編輯國朝獻徵錄卷之三十七目錄

南京禮部二

侍郎

陳璉

俞綱

章綸

廖莊

馬廷用

劉瑞

趙永

呂枬

崔銑

陳陞

孫銑

獻徵錄

卷之三十七目錄

十

更山集

金陵黃應登

全校

吳興茅元儀

錢塘徐象楨

刊行

目錄終

焦太史編輯國朝獻徵錄卷之三十七

南京禮部二

侍郎

南京禮部左侍郎陳公璉傳

陳璉字廷器東莞人自幼聰敏喜學從黃勛受書經領洪武庚午鄉薦為桂林府教授嚴條約以身先之都督韓觀總兵鎮守廣西猛悍不下士聞璉之教悅服每加禮焉秩滿陞國子助教永樂初近臣言璉有治才不宜置之散地召試在役等權知許州始至人以儒者易之少有警發衆為悚懼乃更以寬厚寧民獻徵錄 卷之三十七 一 更山集

俗多淫祠戒諭之俗遂漸變未幾代還改滁州均徭役時征斂禁奸戢暴民用大和 太宗皇帝巡幸北京所過先遣廷臣察吏治問民隱治有異效者加陞擢焉衆皆言璉績最滁人恐失之詣闕乞留遂陞揚州知府掌滁州事賜綺衣一襲鈔五百貫禮部宴餞給驛還在滁州又九年陞四川按察使四川去京遠民不畏法豪吏黠胥奸弊百出璉至一治以法不少貸軍中暴橫有號虎彪太歲者人莫敢犯犯輒受奇禍廉得其實密遣人捕之皆寘之重典乃建言修武備慎刑罰明禮制復義倉正風俗等九事 上嘉納

之連素有文學永樂間獻歌頌 上雅知之召還改

南京通政使俾專掌國子監事師道尊嚴善於訓迪

士類悅之丁內艱正統初起復調南京禮部左侍郎

又五年致仕連德行淳懿文詞典重人愛之若拱璧

其所進者有巡狩頌平胡頌銑歌鼓吹摺紳士大夫

求碑銘序記詩賦諸作足相躡於門應之如響故著

作最多所至學者考德問業無虛日黃蕭養作亂連

建制禦綏靖之策竟平之卒年八十五初去滁時滁

人佑之於醉翁亭與歐陽脩王禹偁為三賢祠東莞

縣知縣吳中祠之與李用李春叟亦曰三賢祠論曰

獻徵錄 卷之三十七

二 吳山館

一統志稱連孝友和厚博通經史以文學知名於時

及得其集而閱之斤乎其明渾乎其肅括平平乎如

響神駿馳輕輶於康莊之塗也信有德者之言哉晉

江林誌有聲翰林嘗同事會試場屋與之論經史無

挂漏者遂師事之語人每曰當今司馬君實又曰人

中麟鳳也其戚人如此其所操存可知矣家有萬卷

室所儲多秘府所無者四方學士求觀必館穀焉後

皆為官府奪去其同老會試者二皆在為知州時

國初之制蓋如此

南京禮部左侍郎俞綱傳

俞綱字宗立正統初以順天府學生善書選騰錄

宣廟實錄書成授試中書舍人選授書廊王府陞審

理正 景皇帝即位以潛邸恩陞太僕寺少卿守安

定門景泰改元陞兵部右侍郎命預內閣機務綱固

辭明年轉左侍郎又明年丁母憂奪情視事加陞太

子少保命二休兼支綱辭其一開經筵命充講官

英廟復辟革太子少保調南京禮部左侍郎成化二

年秩滿陞食正二品俸明年致仕至十四年四月卒

於家賜葬祭綱和厚馴謹不忤於物景泰天順之際

獻徵錄 卷之三十七

三 吳山館

能周旋其間凡潛邸舊臣位通顯者皆罷去而獨得

無咎云

通議大夫南京禮部左侍郎贈南京禮部尚書

諡恭毅章公給墓誌銘 謝鐸

成化癸卯春三月甲寅南京禮部左侍郎樂清章公以疾卒於家計聞 上遣官營葬事賜諭祭焉公之子南京禮科給事中玄應將以是歲冬十二月甲申葬公橫嶼山之原狀公行來速銘於予公立朝大節赫赫在人耳目銘固不繁於有無獨念鐸之於公仰止焉者非一日銘固吾黨事也其可以辭始鐸成化初被旨入校 先皇帝實錄見公景泰中論復儲下獄事輒嘆息泣下曰公疏動萬言而一不知載何以獻徵錄 卷之三十七 四 山

示天下後世亟持以告 總裁官學士劉文安公公曰諸臣奏疏凡留中者例不得書鐸曰天下事詎有大於此者此而不書將奚書公益上其事增入之公憮然曰業已成無益也鐸至今未嘗不以爲恨於手銘固吾黨事也其可以辭公以正統己未進士爲南京主客主事景泰中擢儀制郎中方是時南城懷愍之變上干天變公卿百執事無一人敢昌言於廷者公遂極言修德弭災凡十四事曰畏天戒曰任賢理曰養聖躬曰節幸遇曰務儉約曰勤論政曰停孝義曰慎賞罰曰重名爵曰革巡撫曰擇重臣曰辨異端曰

却貢獻曰汰冗官皆議切時病傳以古義而於畏天戒悖孝義尤悽悽焉大要以爲臣子之邪佞妾婦之驕妬小人進而君子退夷狄強而中國弱刑不當罪賞不當功負役繁重紀綱散壞凡皆在人之陰足以勝陽於是乖氣致沴而天變見矣況上皇爲天下之父陛下爲上皇之臣上皇以天下授陛下陛下以天下尊上皇今若是九天鑑所在而不容以僞者誠不可不念同氣之親推猶子之義率羣臣時見上皇詔沂王復居儲位如此則五倫全備和氣充溢天心自回災異自弭且曰臣非不知逆耳之言出而身必危獻徵錄 卷之三十七 五 山

然臣身輕而朝廷重使朝廷事安則臣身雖死亦無憾矣疏入 上大怒逮繫詔獄連五日榜掠無全膚必欲置之死天忽大風雨黃沙四塞獄遂稍緩得不死初御史鍾同亦上言令諸司各陳所以致災者因以復儲事風禮部老臣縮不敢對曰作死作死公疏方具奮曰我復不言當誰言者遂言之至是乃并逮同明年秋南京大理少卿廖莊亦繼公有言詔廷筆八十幾死且并筆公暨同同死獄中天順初首詔釋公檢公疏無所得內臣有能舉以誦者上擊節嘆賞即日擢爲禮部右侍郎未幾同列有中公者更出爲

南京禮部 上特御文華殿慰遣之以白金文綺資焉尋轉南京吏部 先皇帝上賓遺詔嗣君婚禮不得過百日公復極言三年通喪達乎天子今山陵尚新元朔未改諒陰婚配實所未安禮官大臣爭排公賴上聖明不之罪秩滿稍遷南京禮部左侍郎以內艱乞致仕許之公平生以天下爲己任凡朝政得失生民利病知之未嘗不言言之未嘗不盡方其未論復儲也嘗陳太平致治十六策以至籌邊圍通楮鈔冀寬恤增解額亦屢言之蓋已亡慮數千萬言其始脫詔獄而爲禮部也山東以水災告戶部尼不行則

特奏得減租十之五王府以火災告同列執以例則特請得賜金五百兩蓋其且賄且奮而抗言諫論不少挫抑有如此者噫公歷官先後不四十年在南京者恒十之八立朝之日蓋十不能一二而其反覆論諫已若是其盛使公坐廟堂立殿陛與天子相可否是非則其所以爲世道計者當何如耶公初諱崙尋改綸字大經本吳姓其先閩人五代時有爲閩王太傅曰子鈞之孫賁避亂徙樂清南閭凡幾世諱開宗者仕元爲德清典史後章氏因以爲姓實公之始祖也曾祖諱性不仕祖諱新民父諱文寶皆以公貴累

贈南京禮部右侍郎公生永樂癸巳享年七十有一
配朱淑人先九年卒子男三長玄清亦先公卒次玄
應以乙未進士至今官次玄會以恩補國子生公自
少輒嗜學不事家人生產嘗截枯竹繼晷晝夜誦不
休少從春官主事黃岩章先生阪學及爲郡學生則
又從郡守何公文淵參贊疑義既歷官南北聚書幾
萬卷自六經子史以至星歷醫卜皆搜抉務達其要
以爲文之有關世教者莫先告君之詞故平生之文
素譏爲多而間發爲詩亦不事雕琢而自成一家有
拙稿困志集進思錄凡若干卷藏於家公性質直坦
獻徵錄

易與人無貴賤疏戚一笑之間洞見肺腑至其臨大事決大議則凜不可奪自號慙夫或勸公少貶以徇曰在我者有義與命在彼者吾不知也故悅公者寡不悅公者衆然至論立朝大節未嘗不以公爲首稱於乎歲寒乃見松柏我國家承平之治至宣德正統而極極熾而豐大小之臣方仰承德意以將順頌美於不暇所謂憂治世而危明主者已絕無而僅有蓋於是得二人焉曰翰林學士李公時勉曰翰林侍講劉公球至於景泰之季而公實繼之公以二聖之恩克保晚節已上覲學士公於無愧故雖不必若鍾侍

御與劉侍講公之死然究其所至固非嘗試而幸成者則其於廖蓋已有光矣於乎公固一代之偉人也哉公之羣行不止是給事君能文蓋別著之家乘鐸不得而論論其繫天下國家之大者以銘公墓以備國史之缺以明示天下後世亦公之志也銘曰浚恒之凶世具曰非吾寧為激而不以隨同子之裕世具曰是吾寧為罪而不以恥我思古人猛虎然黃孰與重輕發蒙振落我思古人砥柱狂瀾孰與有無換梭兩端彼何人斯如鬼如域不有君子吁何能國我作銘詩以告萬世紛紛鄙夫敢拜公墓

獻徵錄

卷之三十七

八

山簡

公資稟殊常甫成童即刻勵好學既冠郡守何公文淵選補庠生登正統己未進士授南京禮部主事景泰初陞禮部儀制郎中適國家多故公知無不言言無不盡首請增會試取士額次言太平十六事累致千言俱准議行車駕欲幸大隆福寺公言以萬乘之尊臨異端之地傳之後世誠非美事見各原言行通錄五年五月陳言修德弭災十四事其博孝義畧曰臣聞伊尹告太甲有曰立愛惟親立敬惟長始於家邦終於四海孟軻氏有曰堯舜之道孝弟而已矣誠以孝弟者百行之本萬善之長天子之所以德教加於

百姓刑於四海者不越乎一孝弟而已 本朝以孝治天下而友弟之義皆孝所推恭惟 上聖皇太后養養之至也故孝子之至莫大乎尊親尊親之至莫大乎以天下養以天下養之在乎躬親養之躬親養之庶幾謂之至也伏望 皇上於退朝之暇必朝兩官尊奉 上聖皇太后皇太后而修問安視膳之禮是即古帝王之孝也臣又恭惟 太上皇帝君臨天下十四年是為天下之父也與 皇上同氣異胞是為至親之兄也 皇上向曾親受 上皇之冊封是

獻徵錄

卷之三十七

九

山簡

為 上皇之臣子也 上皇親征戎虜被圍虜庭嘗有詔旨傳位於 陛下是以天下授 陛下也 陛下尊之為太上皇帝是為天下之至尊也幸而奉迎還官是 皇上之至願亦天下之至望也 上皇為陛下同氣之親兄 陛下為 上皇同氣之親弟形雖為二其實一人況 上皇天性謙冲意無彼此伏望 皇上於朔望日或節日一幸南宮率羣臣朝見 上皇於延安門以叙連枝同氣之情以極尊隆崇奉之道是即古帝王友弟之義也至於儲位亦不可久虛伏望 皇上推同氣猶子之義詔 沂王復

居儲位以爲天下之本如此則五倫備而和氣充溢於官庭萬姓愛戴而歡聲洋溢於四海殆見天心自回災異自弭而胡虜不足平矣

見逆思錄

景泰五年春上天示戒積雪連陰朝廷下詔求言御史鍾同手成諫章大畧以朝見兩宮復還儲位爲重初以稿示都察院副都御史劉廣衡見其語意觸諱謂之曰逆犯龍鱗者必死同乃易稿意在諸司臣寮各言致災之由而復儲一事實欲禮部殿之既奏有旨命廷臣集議無敢言者時給正欽建言遂發復諸事於是年五月九日已未曠時封事進當宁兒則大

感錄

卷之三十七

十

事

怒讀畢日已昏門已扃乃傳旨自闕出命錦衣衛印時逮捕入獄翌日榜掠訊無跡又一日加榜無全膚不得已辭連同卽逮繫入獄對既實乃加刑覆訊必欲招通南內不服用炮烙刑又不服乃窮慘酷欲致之死地天乃大風降黃沙人大恐乃禁錮欲終其身自是日甲子兩至於八月既得生乃酌酒相慶或賦詩遣興或奕棋消閒日則對坐夜則對卧相與談論無復憂悶

見鍾同墓誌銘

大理寺少卿廖公莊見同與綸下獄乃繼言復儲事當宁怒其言切直待其以丁憂陞見卽於朝堂大杖

之八十幾死貶爲陝西河洲衛定寇城驛丞遂因而有旨命錦衣衛封六大杖擇六壯卒卽獄中大杖同與綸一百必就死每五杖易手同肌體尤瘡故杖至三十已斃不動杖畢頃之乃甦衆以手輿入獄又禁不與酒旣而綸漸平復幸不死

鍾同墓誌銘並章恭文公集

天順元年丁丑正月奉 旨釋放還職出獄之際京城男女娶觀填道擁擠不可行有嘆息泣下者

見年譜

方脫桎鐐手足拘攣不能動履項上鐵索繫縛三年身同臥起白亮如銀尋陞禮部右侍郎山東水守臣請蠲租米九公爲請得減其半宗室有被火盜乞賑

感錄

卷之三十七

上

事

卽同列執以例公特請得賜金五百兩時尚書與濟伯楊善侍郎鄒幹意皆不協南京禮部侍郎缺卽以公封 上初難之頃之改南京禮部入改吏部轉左侍郎凡六考成化丙申守制乞致仕許之卒贈尚書諡恭毅

年譜

方其職在一司位不過五品開口攘臂論國家大計雖身困言屈一時天下皆知有所謂名義所謂風節以至於 英祖之光復 憲皇之顯紹神功聖德鏗鈞炳耀於天地門而公之身及際其盛後雖遠處南國亦隱然爲天下重微公輩二三人則名義風節皆

未可知而天下之事去矣是豈非天之意於國家億萬載靈長之祚而然哉

見西涯李公年譜序

公既以節義為天下望未嘗少貶以從時權奸憚之故為左右侍郎十有八年皆處南國顯赫潛沮弗復改擢公益以終不自悔議者以公有汲長孺之剛直魯宗道之骨鯁

見王綱修所撰公廟碑

正統之末社稷非景帝未知如何一時安懷之功卓矣所不遘者易儲一事爾使當時廷臣有能直諫以身徇之則儲未必易後有繼公連章食評必從乃已則儲可必復正月十七日之變亦何目而萌奈獻徵錄卷之三十七
何獨公憤發一言遂罹楚毒豈意復躋顯位以功名考終而榮及後人忠義之報何如哉蓋公孝友朴淳剛方坦易遇事敢言厥後景帝拒絕讒間全護兩宮其亦終有悟於公之言也夫

名臣言行通錄

南京禮部右侍郎廖公莊傳

廖恭敏公莊字汝止吉水人初為刑科給事中會陝右饑命公賑之公以便宜行事全活甚眾比還多所建白時西楊當國家人有不法者公率同列上章劾其不職旦日入朝相遇門下莊不為避揖西楊謝曰得罪西楊亦慰之曰公少年宜持丰裁景泰五年七月災異詔求言公上疏其畧曰臣仕中朝十餘年間見上皇歲時令朝臣謁賀於東廊恩禮隆洽羣下感動上皇今者深居南內問安侍養大聞曠闕非所以篤忠愛友悌之誼慰天心而召和氣也且

獻徵錄

卷之三十七

十三

廖山陽

上皇之子宜令其親近儒臣講明經義以端國本庶使天下臣民曉然知朝廷公天下之心詞意悲懇留中不報明年內艱入見會章鍾二疏入上忽念公往年有疏大類二人并逮三人杖於午門幸不死謫定羌驛丞天順初召還時內艱未闋繼遭父喪以公忠特賜祭葬服闋改南大理已又陞南禮部右侍郎御史有劾公者上斥之不聽逾年卒贈刑部尚書公為人易直表裏坦然性剛詞氣激烈少不當意輒面折已則釋然雖問為深機者所中卒不能自易也廣廷大議棘棘不撓及以言被罪名稱藉甚

四方想聞其風采然不子子為異飭細行以取譽接對士類不見有纖毫貴勢態尤篤於鄉里故舊管護拯拔極其力之所至賓至厄酒豆肉輒與為懽無一食不對賓客既為法官所親或勸稍謝往來遠嫌議公笑曰昔人有言臣門如市臣心如水吾無媿吾心而已沒之日無以為斂竊居第供費歷時不能售鄉之仕於朝者相與哀助假貸以佐之於是足以見公之平生蓋賢於世之浮情厚貌事邊幅者遠矣故河東文清薛公謂公於議論知識獨能得其遠者大者真知言哉

獻徵錄

卷之三十七

北

史部

通議大夫南京禮部右侍郎贈尚書馬公廷用

墓誌銘

楊廷和

公諱廷用字良佐姓馬氏四川南充縣人太父諱覺照父諱鐸俱以公貴贈通議大夫南京禮部右侍郎祖妣朱氏妣賈氏俱淑人賈初夢月入懷而公生性穎異讀書過目輒成誦外大父鄉進士賈公嘗語人曰是兒他日必充馬宗稍長從廣安曾謹思學易年十四巡按御史餘姚胡君寬試其文大奇之曰是翰苑人物也成化四年舉於鄉卒業太學大司成丘文莊公合六館士試之以公為首由是名震都下十四年舉進士改庶吉士進學翰林十六年授編修二十三年同考禮部會試尋丁祖妣憂弘治四年起復時與野亭劉司直涇川張仲湜東川劉仁仲及予相倡和有詩名六年充廷試受卷官尋陞侍讀侍經筵八年主考順天府鄉試所取多得人九年與修大明會典明年陞南京翰林侍讀學士前胡御史僑居江寧公往往拜之迎謂公曰吾言果不負矣太宰倪文毅公為人簡亢少許可每詣公輒抵掌談論夜分乃罷十五年陞南京禮部右侍郎復與楊達蒼儲柴壘林見素呂秉之為文字友嘗署南京戶部會歲歉江北流

民就食都下者相屬留守諸司議所以拯救之洪公持議發廩或以爲當請於朝公抗言曰若待奏請而後賑濟數萬人將化爲鬼物矣古人固有矯制發倉者吾請獨任其罪衆是之賴以全活者甚衆旣而奏上果如所擬守備成國公朱以祭告攝事與太常議禮不合互相論奏且移文禮部公判之曰尊君事神務在得體量情協禮貴無僭差或者見之曰此十六字南山判也議始定公臨事斷決類如此正德四年再引疾乞休得允歸治田園與親友日相從觴詠爲樂言者交章薦之冀其復起十四年正月二十四日

狀徵錄

卷之三十七

十六

泰山集

卒計聞命禮部論祭工部治葬域仍贈南京禮部尚書異數也公長於經學以易爲潔靜精微之書近世作義者或濫引他說殊戾本旨乃會程朱傳義發爲文章成一家機軸學者宗之爲詩文不喜鉤棘聾牙之語所著有紫崖集若干卷藏於家紫崖西亢望山也公家世居之因以自號公天性孝友初登第時見同年黎君復登輒慨然泣下黎問之故曰君始發解吾先人舉君以相屬豈意今日得與君同榜恨先人不及見是以悲耳事兄廷惠撫從弟廷實及從子企俱有恩禮居家治官事必循禮而協之情要在道可

行時可濟區區其說名聲之事不屑也衣冠言動亦簡朴不爲華靡接納後進恂恂如畏至議論古今人物得失高下慷慨直言聽者忘倦嘗語人曰吾少貧每會試間關萬里或負書徒步往來未嘗以爲苦曰男子事當如是耳

狀徵錄

卷之三十七

十七

嘉議大夫南京禮部右侍郎贈南京禮部尚書

五清劉公瑞傳

雷禮

劉瑞四川成都府內江縣人弘治丙辰進士少敏甚日記千言爲文有奇氣選庶吉士讀書翰林於墳籍子史旁搜廣摭無微不錄討疑伐舛不苟爲同而所學益遂衆多下之授翰林院檢討日稽古自鑒至於應酬叙述脫腐遠俗悉恨理道正德二年逆瑾竊柄尋乞致仕五年起用以丁憂不果十年再起浙江按察司副使提督學校約章程茂德教所至發振聲榮不踐於雜施又藻鑑公明甄拔皆知名士十四年陞

張敬錄

卷之三十七

十八

史部

南京太僕寺少卿暇日作興學校隨所詣爲之是正出其悟表會滁守陳璧建科第題名碑爲之紀其事脩云高皇龍飛草昧一時罷虎之士奮志勇冒矢石贊成大業大率多滁人況百五十年未濡煦王化本之經史督之師儒表之宅里榮之爵祿感風雲而起者又何讓於罷虎之盛故滁士聞之莫不興起踰二年陞南京光祿寺卿尋進南京太常歷南京禮部右侍郎雖留務清勝不究厥用而行誼嶄然爲縉紳所共稱至沒之日無以爲殮尤可以卜其素履公卒贈南京禮部尚書隆慶元年從孫侍御鞠泰賜諡文肅

南京禮部右侍郎趙永傳

趙永字爾錫直隸鳳陽府臨淮縣人長陵衛軍籍寄養順天府學沉靜簡默博洽淵冲從大學士李文正學文正曰此子風骨不凡而造詣宏博遠到之才也登壬戌進士授翰林編修纂修實錄忤逆瑾欲左遷銓部疏勸慎竟復職瑾終銜之未格如也辛未甲戌兩主會試文衡崇雅黜浮文體復古授侍讀轉春坊太子右諭德充經筵講官奉命主武舉武廟南狩以居守有勞賜金麒麟服陞國子監祭酒表建師模嚴飭士習抑請托進廉節動遵矩範不阿權

獻徵錄

卷之三十七

十九

史部

要海內嚮風翕然不變今上登極仍命直經筵兼日講官每進講必先焚香閉戶積誠滌慮以冀感通駕幸大學賜坐講尚書大禹謨敷陳剴切進止雍容

上屢注目罷講

聖諭褒獎翌日率諸生表謝

上賜勅及彩幣二襲仍賜宴寵異偶因疾在告上念講官無直諫者遣鴻臚寺賁旨至臥榻諭起供職永感恩流涕力疾入謝未幾復以言忤當路辭解日講官轉南京禮部右侍郎尋攝部篆永修禮敦俗風化一新時內閣缺輔臣永負時望大學士楊一清恐相遇不合伴以他意挑之永曰吾可以纓見況吾

平具疏乞休隱居都下不出戶庭都給事中董進
第御史王瑛率諫垣臺臣薦永名重王堂化覃璧水
退居於輦轂之下而踪跡愈幽充養乎經濟之才而
聲猷實富吏部亦首疏起永竟不出禁精舍數椽繚
以筠槍橫琴抱膝若將終身嘉靖戊申卒於家壽八
十所著有類卷稿文華講義南京錄瀛洲詩北歸稿

獻徵錄

卷之十七

通議大夫南京禮部右侍郎涇野呂公懋行狀

馬汝驥

公呂姓諱懋字仲木號涇野高陵人學行為四方學
者所宗初為涇野先生云中弘治辛酉鄉舉第十正
德戊辰會試第六廷試第一歷官翰林院修撰解州
判官南京吏部考功司郎中南京尚寶司卿南京太
常寺少卿國子監祭酒南京禮部右侍郎致仕按呂
氏本太公望後宋時有諱世昌者居高陵故世為高
陵人又幾世生彬彬卿生八八生興興生貴貴生
鑑鑑生溥溥號渭陽渭陽公配宋氏生公昔昔彬彬卿祖
時其壻有聲如雷卜言兆顯六世至是公生敦厚穎
敏特異始就傳於周尚書習小學之節邑高郎中見
曰此子他日必成大人君子不但科第而已提學馬
君奇之命為弟子員時未總丱輒有志聖賢之道乃
夏居矮屋衣冠危坐雖炎暑燦金不越戶限至冬月
祁寒則履藉麥草誦讀恒夜以繼日年十四應試臨
潼貧不能假館宿新豐空舍夜夢老人自驪山而下
謂曰爾力學後當魁天下既試補廩膳生母宋卒公
哀毀骨立既受學於高教諭儋邑孫行人昂請益於
渭南思菴薛氏乃試於提學楊遠菴王虎谷二公學

冠多士爰拔入正學書院授以所學由是見聞益博嘗夢見明道程子東萊呂子就正所疑學益大進於時熊李二叅政聞其賢延爲塾師公以禮無往教辭乃遣子就學所居寺中一日聞父疾走還二叅政命驛馬追送弗受父疾尋愈乃居雲槐精舍熊李二生及多士皆來就學公食穀麵餅有上客至與共之鄉舉後與三原秦憲使世觀馬光祿伯循榆次寇司馬子惇安陽張憲使仲修宗伯崔文敏公仲晃林慮馬都御史敬陳請學於成均又與一二同志較舉業務博文約禮規過輔仁道相望雖衆以爲迂諱而弗恤

獻徵錄

卷之三十七

五十一

楊山館

更歷五嶺而踐履篤實粹盎外著蓋不知夫富貴之可淫貧賤之可移威武之可屈矣會孝廟賀大公與同志哭臨聲出淚下通國異而諱之弗變孫行人沒公服衰哭拜弔者戊辰廷試策對仁孝武廟嘉之賜狀元及第傳臚之前則欽賜冠服帶履至友人謂服習容觀公如言若固有之明日有中官橫加賀禮卻之祿入祀先祝稱某之子某何太史粹夫健之凡父母賜書再拜使者受之退而跪讀餘親友書受讀有儀聞期功總喪必爲位而哭凡費非禮不受在官二年安西夏亂公疏請上入宮御經筵親政事可常保富

貴時中官惡其言因嘗卻賀禮又不往見欲殺之乃乞養病得歸中官使校尉尾至真定不得其過而返抵家數月中官凌遲人服公明公居家杜門謝客櫛食草茹若將終身涓陽公問責次子梓公跪勸之梓逃乃朴公伏地受之怒輒解臺諫交章薦曰當劉瑾擅政縉紳側足乃能不顧時忌求歸且學問淵粹安貧守分以斯介行使立朝必能振起休風勸懲頽俗遂起用入朝乃上勸學疏畧曰昔周文王緝熙敬止咸和萬民斯享靈囿之樂元順帝廢學縱欲盛有堂沼我太祖一舉而取之上嘉納時乾清官災公應

獻徵錄

卷之三十七

五十一

楊山館

詔陳言一日逐日臨朝聽政二曰還處官寮預圖儲貳三曰郊社禘嘗祇肅欽承四曰日朝兩宮承顏順志五曰遣去義子番僧邊軍令各寧業六曰各處鎮守中官貪婪取回別用又累進講勸上舉直錯枉疏後引疾乞歸友人崔後渠氏言於京曰仲木去就可謂必矣時西安秋旱禾槁有司槩征租公言於當道獲薄征張仲修爲御史集河東書院成請定三晉應祀名賢公既論定其祀又答以書爲乃上之給命正多貴言賤行故馬融訓詁雖附勢殺貴猶祀孔廟尹焞守死善道如朱熹亦短其致知以孔顏之學觀之

後儒失之遠矣故今定祀惟取大義不論文辭俾學者知所趨向王都御史薦公篤學好古乞代已官渭陽公病公侍湯藥晝夜衣不解帶履恒無聲如是一年鬚髮變白丙子五月渭陽公卒公哀毀嘔血先母宋權厝城東至是啟塋失一指公號天痛哭乃復得之遂合葬時大雨如注公徒跣踣泥中會葬者皆感泣稱孝既葬廬於中門之外旦夕號慟時陝西鎮守中官廖氏愧以金幣諸物卻之有客托交遊以三百金求書公曰人心如青天白日不意視如鳥獸父遊而退盛都御史朱熊曹三御史交章薦曰學術

獻徵錄

卷之三

三

閔深操履純正甘貧體道人望攸屬今上登極起用明年改元嘉靖復館職纂修武廟實錄進講虞書適值仁祖淳皇后忌辰公口奏存條服之禮罷酒飯之賜癸未充會試同考試官所取士二十餘人皆名士嘗上疏請溫尋聖學曰學貴知要而力行故慎獨克己上對天心親賢遠讒下通民志伏望聖上尋溫體驗甲申四月奉旨修省以十有三事自劾疏上出山西解州判官至解首恤無告及諸貧困以贖刑木綿米肉給之見解之丁差倍徙他邑乃懇告當路會議分派崇省解民獲蘇於時解人及四方士多

從遊者乃即廢寺建解梁書院祀往開來復選民間俊秀子弟俾習小學之節歌圖風之詩又令諸耆德俊民朔望講讀會典諸禮及行藍田呂氏鄉約凡冠婚喪祭俾皆尊聞行知察諸孝子義士節婦咸遵奉詔旨題表其門復求子夏之後令其入學建溫公之祀而考序其集築隄以護鹽池疏渠以興水利桑麻以導蠶績於是士民率由風俗丕變屬縣亦觀感而化盧御史交章薦曰興學而人才丕變勵俗而禮讓大行乃陞南京吏部考功司郎中四方從學士及州人皆冒雨送至河干既去解人思之不忘豎碑以識

獻徵錄

卷之三

三

遺愛至留都日親吏牘忘其煩勞大司馬王浚川公薦曰性行淳篤學問淵粹陞南京尚寶司卿乃復授學鷲峯禪寺東南之士及門者益衆壬辰冬陞南京太常寺少卿乃迎繼母侯就養又禁道士俗裝每月令演樂者再南京太廟災例上疏自陳乞罷黜不許時閣大臣再斥再起九卿大小皆遣人候之塗有約公者公曰予與之無一面識不敢輒通刺加禮也閣臣有親官南京納好者尤衆公自常禮外不交一言後屢欲退公官未果也會閣臣病歸乙未陞國子監祭酒首發明監規教人以正心爲本忠孝爲先取儀

禮及爲詩樂圖譜俾諸生講肄每試刻文之優者以式多士復申明監規五事 上皆允行公在監諸生有疾必問而醫有死者必哭而歸骨其鄉有喪必弔且聘有孝廉著聞者則識諸簿榜以旌之又先撥歷示勸仍奏減歷以通淹滯於是兩廳六堂諸屬皆親法清慎諸生皆以德行道義相先而禮樂并行聲容俱美諸公侯子弟皆率教樂學諸親政進士及歷事舉人數就而問業中官沈東亦時至聽講乃後張御史薦云德行表儀諸生文學風動天下陞南京禮部右侍郎九卿調孝陵者係淡末同寮曰蓋著緝公曰獻徵錄 卷之五十七 五十六 吳山陰

一陵望墓生哀服極爲是衆從之有蔡生請鹽商墓志不獲同寮爲之請曰蔡生有相才可勿拒公曰一書生而遨遊權貴之門得志則下陵可知縱爲相吾弗取也終拒之時 皇太子生以覃恩得贈祖及父如已官祖妣妣繼母及妻俱得贈封淑人次子昀廕入太學公有微疾因使具疏乞歸會公長子田在京疏不得投返其使公意不遂前閣臣病歸者死同寮約九卿翰林祭公乃不拒曰今不可違衆也初閣臣暴橫其鄉侵田宅無算既死按浙御史或直之同寮爲疏告之冀力保其家公與書責其阿私黨姦且望

其一變爲正人同寮復曲以言辨稱閣臣十善公嘆息而止署南京吏部印乃疏薦時賢備任用又薦將材數人尋進表朝賀畢見閣大臣閣臣曰某匪人公曰愚與居未知其非祇見其才耳公合天下之才以事聖主可也閣臣不悅公返留都己亥春累疏乞停止親視山陵及慎重大禮 上悉納五月復進聖節表道過河南見餓殍盈途語所在郡縣墮之抵京值奉先殿災例自陳 上允其致仕公既與閣臣忤及入京乃閣臣先來見餽之酒肉語款而禮勤已乃得致仕閣臣意也歸事繼母候孝養備至候病頭風畏獻徵錄 卷之五十七 五十六 吳山陰

案親爲艾褥進乃安張御史按陝薦公雅志安貧力學敦行忠信篤敬規矩準繩辛丑春侯卒公哀毀殯殮如禮壬寅六月公左臂病癱至七月一日卒距生則成化己亥四月二十一日享年六十四歲卒之日食時復有大星流光震隕之變遠邇弔者以千計大夫士及門人悲痛如私親皆走巷哭爲罷市三日解梁及四方弟子聞訃皆爲位哭所著述有四書因問周易說翼尚書說要毛詩說斥春秋說志禮問內篇外篇涇野文集詩集六四子抄釋小學釋詩史館獻納南省奏議寒暑經圖解渭陽公集史約上陵詩賦